

An Bhruiséil, 12.2.2021
COM(2021) 54 final

ANNEXES 1 to 2

IARSCRÍBHINNÍ

a ghabhann leis an Togra le haghaidh

RIALACHÁN (AE) Ó PHARLAIMINT NA hEORPA AGUS ÓN gCOMHAIRLE

lena leasaítear Rialachán (CE) Uimh. 138/2004 ó Pharlaimint na hEorpa agus ón gComhairle a mhéid a bhaineann le cuntais eacnamaíochta réigiúnacha na talmhaíochta

IARSCRÍBHINN I

Leasaítear Iarscríbhinn I mar a leanas:

(1) sa roinn ‘Clár’, cuirtear pointe VII. Cuntais eacnamaíochta réigiúnacha na talmhaíochta seo a leanas leis:

‘VII. Cuntais eacnamaíochta réigiúnacha na talmhaíochta

- A. Prionsabail ghinearálta
 - 1. Réamhrá
 - 2. An geilleagar réigiúnach, an chríoch réigiúnach
 - 3. An bun-aonad i dtiomsú chuntais eacnamaíochta réigiúnacha na talmhaíochta
 - 4. Modhanna chun cuntais eacnamaíochta réigiúnacha na talmhaíochta a thiomsú
 - 5. Coincheapa an chónaithe agus na críche
 - 6. Tionscal na talmhaíochta agus aonaid shaintréitheacha
- B. Idirbhearta i dtáirgí
 - 1. Aschur
 - 2. Tomhaltas idirmheánach
 - 3. Ollfhoirmiú caipitil
- C. Idirbhearta dáileacháin agus sreafaí eile
 - 1. Rialacha ginearálta
 - 2. Breisluach
 - 3. Ídiú an chaipitil sheasta
 - 4. Fóirdheontais
 - 5. Cánacha
 - 6. Cúiteamh d’fhostaithe
 - 7. Barrachas oibriúcháin, glan
 - 8. Ús, cíósanna

9. Ioncam fiontraíoch ó talmhaíocht: rialacha ginearálta maidir le ríomh

D. Sracfhéachaint ar chur chun feidhme

1. Réamhrá
2. An talmhaíocht réigiúnach a shainiú
3. Aschur talmhaíochta a thomhas
4. Gníomhaíochtaí tánaisteacha neamhthalmhaíochta doscartha
5. Tomhaltas idirmheánach’;

(2) I bpointe 1.27. cuirtear an méid seo a leanas in ionad an tríú fleasc:

‘— de réir an ghnáis, ní áireofar leo táirgeadh ollfhoirmiú caipitil sheasta táirgí neamhthalmhaíochta (amhail foirgnimh nó innill) ar chuntas an duine féin. Glactar leis gur gníomhaíocht indeighilte é an táirgeadh sin d'úsáid chríochnaitheach dílis agus déantar é a thaifeadadh mar tháirgeadh APU áitiúil inaitheanta. Ní mór seirbhísí cóiríochta a chuirtear ar fáil a láimhseáil ar an mbealach céanna agus a dhéantar d'fhostaithe mar luach saothair comhchineáil (déantar iad a thaifeadadh mar luach saothair comhchineáil nuair a bhíonn an cuntas ioncaim á chruthú),’;

(3) Cuirtear an méid seo a leanas in ionad pointe 2.006:

‘2.006 In CET, ba cheart praghsanna a thaifeadadh go dtí an tslánuimhir is gaire nó atá ceart go dtí áit dheachúlach amháin nó dhá áit dheachúlacha, ag brath ar iontaofacht staidrimh na sonraí praghsanna atá ar fáil. Tá gá le faisnéis ábhartha maidir le praghsanna ar ionchur agus aschur chun CET a thiomsú.’;

(4) cuirtear an méid seo a leanas in ionad phointe 2.108., pointe g):

‘g) luach saothair maidir le seirbhísí a chuimsítear i bprémheanna comhlána árachais a thógtar amach chun cumhdach a chur ar fáil don fhiontar i dtaca le rioscaí amhail cailteanas beostoic, damáiste a dhéanann clocha sneachta, sioc, dóiteán agus gálaí, etc. Is cuid den ollphréimh a íoctar í an ghlanphréimh atá ar fáil do chuideachtaí árachais de bharr éilimh a shocrú.

Ní féidir miondealú cruinn a dhéanamh ar na hollphréimheanna sa dá chomhpháirt ach amháin don gheilleagar náisiúnta trí chéile, mar a dhéantar i gcás na gcuntas náisiúnta. Déantar an leithdháileadh maidir leis an gcomhpháirt seirbhíse idir brainsí táirgeachta go ginearálta ag úsáid eochracha miondealaithe leordhóthanacha, i dtaca le táblaí ionchuir-aschuir a fhorléiriú. Ba cheart tagairt a dhéanamh dá bhrí sin do na cuntais náisiúnta nuair a bhíonn an mhír sin á comhlánú in CET (chun fóirdheontais a bhaineann le seirbhísí árachais a thaifeadadh, féach 3.063., fonóta 1);’

(5) i bpointe 2.136, cuirtear an méid seo a leanas in ionad an tríú fleasc:

‘— athruithe ar aicmiú nó ar struchtúr na sócmhainní seasta: e.g. athruithe ar chuspóir eacnamaíoch an talaimh talmhaíochta, an bheostoic déiríochta atá beartaithe le haghaidh táirgeadh feola (cf. 2.149., fonóta 1) nó foirgnimh talmhaíochta a ndearnadh athrú orthu le haghaidh úsáid phríobháideach nó le haghaidh úsáid eacnamaíoch eile.’;

(6) Cuirtear Caibidil VII. Cuntais eacnamaíochta réigiúnacha na talmhaíochta seo a leanas leis:

A. PRIONSABAIL GHINEARÁLTA

1. Réamhrá

- 7.01. Tá ról tábhachtach ag na cuntais réigiúnacha maidir le beartais réigiúnacha a fhoirmliú, a chur chun feidhme agus meastóireacht a dhéanamh orthu. Táscairí staidrimh réigiúnacha oibiachtúla, iontaofa, comhsheasmhacha, ábhartha agus comhchuibhithe, is bunchloch láidir iad sin le haghaidh beartais a bhfuil sé mar aidhm acu éagothromaíochtaí eacnamaíocha agus sóisialta a laghdú idir na réigiúin Eorpacha.
- 7.02. Is éard atá i gcuntais eacnamaíochta réigiúnacha na talmhaíochta (CERT) cuntais eacnamaíochta na talmhaíochta (CET) atá curtha in oiriúint ar leibhéal réigiúnach.
- 7.03. Cuimsítear an tacar céanna cuntas le CET agus a chuimsítear i gcuntais eacnamaíochta réigiúnacha na talmhaíochta, ach is as fadhbanna coincheapúla agus fadhbanna tomhais a thagann tacar cuntas le haghaidh réigiúin atá níos teoranta ó thaobh raon feidhme de agus a bhfuil níos lú mionsonraí acu i gcomparáid le CET ar an leibhéal náisiúnta.
- 7.04. Mar chuntais réigiúnacha, tiomsófar cuntais eacnamaíochta réigiúnacha na talmhaíochta ar bhonn sonraí réigiúnacha a bhaileofar go díreach agus sonraí náisiúnta lena ngabhann miondealuithe réigiúnacha bunaithe ar thiomhdí. Ní foláir toimhdí a dhéanamh i dtiomsú na gcuntas réigiúnach nuair atá faisnéis réigiúnach atá iomlán, tráthúil agus iontaofa go leor in easnamh. Tugtar le fios nach léirítear roinnt difríochtaí idir na réigiúin sna cuntais réigiúnacha (CCE 2010, 13.08).

2. An geilleagar réigiúnach, an chríoch réigiúnach

- 7.05. Le haon chuntais réigiúnacha a thionsaítear, is cuma má dhéantar tagairt iontu do thionscail nó d’earnálacha institiúideacha, bíonn gá le sainmhíniú géar ar an ngeilleagar réigiúnach agus ar an gcríoch réigiúnach. Go teoiriciúil, cumhdaíonn tionscal na talmhaíochta i réigiún na haonaid (na sealúchais talmhaíochta) atá ag gabháil do ghníomhaíochtaí talmhaíochta (cf. 1.60. go 1.66.) ar an gcríoch réigiúnach.
- 7.06. Tá geilleagar réigiúnach tíre mar chuid de gheilleagar iomlán na tíre sin. Déantar an geilleagar iomlán a shainiú i dtéarmaí aonad agus earnálacha institiúideacha. Cuimsítear leis na haonaid institiúideacha uile a bhfuil lárionad príomhleasa eacnamaíoch aige i gcríoch eacnamaíoch tíre. Ní bhíonn an chríoch eacnamaíoch i gcomhthráth go beacht leis an gcríoch tíreolaíoch (cf. 7.08.). Déantar críoch eacnamaíoch tíre a roinnt i gcríocha réigiúnacha agus sa chríoch sheachréigiúnach (CCE 2010, 13.09).
- 7.07. Is éard atá sa chríoch réigiúnach an chuid sin de chríoch eacnamaíoch tíre atá sannta go díreach do réigiún mar a shainmhínítear in CCE 2010. Tá saorchriosanna, lena n-áirítear trádstórais atá faoi bhannaí agus monarchana atá faoi rialú custaim, ceangailte leis na réigiúin ina bhfuil siad suite.
- 7.08. Mar sin féin, níl an scaradh críche sin comhsheasmhach go hiomlán le coincheap na críche eacnamaíche náisiúnta mar a úsáidtear iad sna cuntais náisiúnta. Tá an chríoch sheachréigiúnach comhdhéanta de

chodanna de chríoch eacnamaíoch tíre nach féidir a cheangal le réigiún aonair, agus atá eisiata ó CERT, i.e.:

(a) an t-aerspás náisiúnta, uiscí críochacha agus an scairbh ilchríochach atá in uiscí idirnáisiúnta, a bhfuil cearta eisiacha ag an tír ina leith;

(b) iamhchríocha laistigh den chríoch, (i.e. críocha geografacha sa chuid eile den domhan atá á n-úsáid, faoi chonarthaí idirnáisiúnta nó faoi chomhaontuithe idir Stáit, ag gníomhaireachtaí rialtais ghinearálta na tíre, amhail ambasáidí, consalachtaí, bunáiteanna míleata, bunáiteanna eolaíochta, etc.);

(c) fosuithe ola, gáis nádúrtha, etc., in uiscí idirnáisiúnta lasmuigh de scairbh ilchríochach na tíre, arna saothrú ag aonaid atá cónaitheach sa chríoch.

7.09. Soláthraíonn aicmiú na hAinmníochta Aonad Críochach le haghaidh Staidrimh (NUTS)⁽¹⁾ miondealú aonair, uilíoch de chríoch eacnamaíoch an Aontais Eorpaigh. Chun críche náisiúnta, féadfar cuntais réigiúnacha a thiomsú freisin ar leibhéal réigiúnach níos mionsonraithe (CCE 2010, 13.12).

3. An bun-aonad i dtiomsú chuntais eacnamaíochta réigiúnacha na talmhaíochta

7.10. Is éard atá sna haonaid a úsáideann an tionscal le haghaidh na gcuntas náisiúnta na haonaid phríomhghníomhaíochta áitiúla (APGanna áitiúla) Is é APG áitiúil an fhoirm inbhreathnaithe den aonad táirgthe.

7.11. Leis an gcur chuige staidrimh (tionscal) ‘glactar’ le haonad inbhreathnaithe fiú má chiallaíonn sé sin go n-imítear ón ngníomhaíocht aonair. Mar a tharla le SNA 2008, roghnaítear an cur chuige staidrimh in CCE 2010 agus tacaítear le APG áitiúil ionas go mbeidh an tionscal in ann na cuntais náisiúnta a thiomsú. Sainíonn siad dá bhrí sin an t-aonad céanna le haghaidh na dtionscal is cuma cé acu atá siad cumhdaithe ar an leibhéal réigiúnach nó ar an leibhéal náisiúnta.

7.12. Amhail CET, úsáideann CERT an sealúchas talmhaíochta – ‘curtha in oiriúint’ ag teacht le coinbhinsiúin áirithe chun na cuspóirí lena mbaineann a chomhlíonadh – mar an bun-aonad do thionscal na talmhaíochta. Tá dhá chúis ríthábhachtacha go ndéantar an rogha sin. Ar lámh amháin, is éard atá san aonad ‘sealúchais talmhaíochta’ an t-aonad príomhghníomhaíochta áitiúil le haghaidh na talmhaíochta (cf. 1.09. go 1.17.), atá sainithe mar an chuid sin d’aonad príomhghníomhaíochta (APG) a thagraíonn don leibhéal áitiúil. Is é APG áitiúil an t-aonad is oiriúnaí freisin do thionscal na talmhaíochta, fiú má áirítear gníomhaíochtaí tánaisteacha neamhthalmhaíochta leis, nach féidir a thaispeáint ar leithligh ó na gníomhaíochtaí talmhaíochta (cf. 1.15. agus 1.16, 1.25. go 1.32.).

7.13. Ach an sealúchas talmhaíochta a úsáid mar an bun-aonad ciallaíonn sé sin go n-áirítear gníomhaíochtaí tánaisteacha neamhthalmhaíochta na sealúchas sin i gcuntais réigiúnacha na talmhaíochta (cf. 7.12.). Ós rud é gurb é aidhm CET giniúint ioncaim ó ghníomhaíocht eacnamaíoch talmhaíochta a thomhas, tuairisc a thabhairt air agus é a anailísiú, déantar aonaid a tháirgeann gníomhaíocht fóillíochta amháin a eisiáimh (e.g. gairdíní cistine agus beostoc príobháideach a

¹ Rialachán (CE) Uimh. 1059/2003 ó Pharlaimint na hEorpa agus ón gComhairle maidir le rangú coiteann d'Aonaid Chríochacha le haghaidh staidrimh (NUTS) a bhunú: <https://eur-lex.europa.eu/legal-content/EN/TXT/?uri=CELEX:02003R1059-20191113>.

thógáil). I gcodarsnacht leis sin, áirítear aonaid a bhíonn ag gabháil d'fheirmeoireacht chothaitheach in CET (cf. 1.24.).

- 7.14. Is é an sealúchas talmhaíochta an t-aonad tagartha le haghaidh suirbhéanna staidrimh a bhaineann leis an talmhaíocht, cibé acu suirbhéanna náisiúnta nó réigiúnacha. Tá sé de bhuntáiste aige sin go bhféadfar meastóireachtaí d'aschur i dtéarmaí cainníochtúla a bhunú go díreach ar na córais staidrimh chun limistéir, torthaí, méideanna tréada, etc., a thomhas. Cruthaítear comhsheasmhacht chuntasáíochta níos fearr freisin de bharr rogha an tsealúchais talmhaíochta.

4. *Modhanna chun cuntais eacnamaíochta réigiúnacha na talmhaíochta a thiomsú*

- 7.15. Moltar in CCE (CCE 2010, 13.24 go 13.32) dhá mhodh, á gcur i bhfeidhm ar na tionscail nó ar na hearnálacha institiúideacha: na modhanna ó bhun aníos agus ó bharr anuas. Baineann an chéad cheann leis na sonraí a bhailiú ar leibhéal na n-aonad (APGanna áitiúla, aonaid institiúideacha) agus iad a shuimiú ansin chun luach réigiúnach na gcomhiomlán difriúil a fháil. Leis an modh ó bharr anuas déantar na luachanna réigiúnacha a atógáil tríd an bhfigiúr náisiúnta a mhiondealú, ag úsáid táscaire a léiríonn chomh gar agus is féidir dáileadh réigiúnach na hathróige lena mbaineann. Is féidir an dá mhodh sin a chónascadh ar bhealaí éagsúla, teaghlaim dá dtagraítear in CCE mar 'meascán de na modhanna ó bhun aníos agus ó bharr anuas'. Tugtar tosaíocht do na modhanna ó bhun aníos, cé go bhfeictear i gcuid mhaith cásanna go n-úsáidtear go hiarbhr 'meascán de mhodhanna ó bhun aníos agus ó bharr anuas'.

5. *Coincheapa an chónaithe agus na críche*

- 7.16. D'fhéadfadh idirbhearta eacnamaíochta fiontar agus teaghlach teorainneacha réigiúnacha a thrasnú. Féadfaidh fiontair feidhmiú freisin i níos mó ná réigiún amháin, ag suíomhanna buana nó ar bhonn sealadach, e.g. féadfaidh feirmeacha móra tabhairt faoi obair i réigiún éagsúla. Dá bhrí sin tá gá le prionsabal soiléir chun cuidiú leis na Ballstáit an ghníomhaíocht idir-réigiúnach sin a leithdháileadh go comhsheasmhach do réigiún.
- 7.17. Tá cuntais réigiúnacha na dtionscal bunaithe ar chritéir chónaithe an aonaid táirgthe. Tagraíonn gach tionscal ar leibhéal réigiúnach don ghrúpa APGanna áitiúla sa phríomhghníomhaíocht eacnamaíoch céanna nó comhchosúil, a bhfuil a lárionad leasa eacnamaíoch acu sa chríoch réigiúnach sin. Níos minice ná a mhalairt, bíonn baint ag an lárionad leasa sin le suíomh fadtéarmach sonrath sa réigiún, cosúil leis na haonaid institiúideacha lena mbaineann APGanna áitiúla.
- 7.18. Mar sin féin, tá roinnt gnéithe ar leith ag baint leis na cuntais réigiúnacha. I gcás gníomhaíochtaí áirithe, ní bhíonn sé éasca i gcónaí an réigiún a shainiú mar limistéar sonrath. Cruthaítear fadhb leis an gcaidreamh a bhíonn idir suíomh na ceannoifige agus suíomh fisiciúil an tsealúchais, toisc go bhféadfadh ceannoifig i réigiún eile fachtóirí maidir le táirgeadh talmhaíochta a bhainistiú. Maidir le CERT, tá sé tábhachtach an dá aonán a roinnt, agus ar an gcúis sin ní mór sealúchas a shannadh don réigiún san áit ina bhfuil a fhachtóirí táirgeachta lonnaithe agus ní don réigiún ina bhfuil a cheanncheathrú suite. D'fhéadfadh cúpla aonad eascairt as ceannoifig amháin dá bhrí

sin de réir bhrí CERT – a oiread aonad agus atá réigiúin chónaithe le haghaidh APGanna áitiúla atá i bhfad ón réigiún ina bhfuil an cheannoifig.

- 7.19. Coincheap malartach, nach gcuirtear i bhfeidhm go ginearálta sna cuntais náisiúnta agus réigiúnacha, a bheadh i gcoincheap a bheadh go hiomlán críochach. Tugtar le fios leis an gcoincheap sin go leithdháiltear gníomhaíochtaí don chríoch ina dtarlaíonn siad go hiarbhair, is cuma cá bhfuil cónaí ar na haonaid atá ag gabháil don ghníomhaíocht.
- 7.20. Cé go dtugtar tosaíocht don chur chuige cónaithe nuair atá idirbhearta d'aonaid chónaitheacha á leithdháileadh ar bhonn réigiúnach, tugann CCE 2010 roinnt spáis theoranta chun an cur chuige críochach a chur i bhfeidhm (ESA 2010, 13.21). Tarlaíonn sé sin i gcás ina gcruthaítear aonaid bharúlacha le haghaidh talaimh agus foirgneamh sa réigiún nó sa tír ina bhfuil an talamh nó na foirgnimh lonnaithe.
- 7.21. Sa chás hipitéiseach nach bhfuil ach gníomhaíochtaí laistigh dá gcríoch réigiúnach ag aonaid atá cónaitheach i réigiún, tagann coincheap an chónaithe le coincheap na críche. Tá sé sin amhlaidh freisin maidir leis an leithdháileadh réigiúnach bunaithe ar aonaid bharúlacha a chruthaítear le haghaidh talaimh agus foirgneamh agus le haghaidh fiontair neamhchorpraithe i dtíortha nó i réigiúin eile atá difriúil le réigiún cónaitheach an úinéara.

6. Tionscal na talmhaíochta agus aonaid shaintréitheacha

- 7.22. Tá na haonaid phríomhghníomhaíochta áitiúla uile cuimsithe sa tionscal, a dhéanann gníomhaíocht eacnamaíoch chomhionann nó chomhchosúil (cf. 1.59.). Comhfhreagraíonn tionscal na talmhaíochta, mar a thugtar tuairisc air in CET, i bprionsabal, do Rannán 01 in Athbhreithniú NACE 2, agus taispeántar na difríochtaí i míreanna 1.62. go 1.66. Sainítear raon feidhme CERT ar bhonn an liosta de ghníomhaíochtaí saintréitheacha a tarraingíodh suas do CET. Tá roinnt difríochtaí idir tionscal na talmhaíochta in CET, agus dá bharr sin in CERT, agus sa tionscal a bunaíodh le haghaidh chreat lárnach na gcuntas náisiúnta (cf. 1.93.).

B. IDIRBHEARTA I DTÁIRGÍ

- 7.23. Cruthaítear roinnt fadhbanna sonracha nuair a bhíonn an t-aschur talmhaíochta á luacháil. Baineann na cinn is tábhachtaí le táirgí séasúracha, táirgeadh beostoic agus uainiú na n-iontrálacha sna cuntais. Cuireann an mhodheolaíocht CET rialacha beachta chun cinn lena rialaítear conas ba cheart éifeachtaí stórála táirgí séasúracha a chur san áireamh, conas ba cheart aschur beostoic a thomhas agus conas ba cheart táirgí ar a bhfuil obair idir lámha á déanamh a thairgeadh. Ní mór na prionsabail sin a chomhlíonadh le linn do CERT a bheith á dtiomsú. Mar sin féin, ní chuireann sé sin oiriúnuithe áirithe ar an leibhéal réigiúnach as an áireamh, táirgeadh beostoic mar shampla. Ba cheart a rá arís nach mór d'iomlán na luachála réigiúnaí a bheith comhionann leis na luachálacha CET.

1. Aschur

- a) Aschur a thomhas
- 7.24. In CERT, léiríonn aschur réigiúin gach táirge atá laistigh de raon feidhme CET a thairgeann na haonaid go léir den tionscal talmhaíochta thar an tréimhse cuntasáíochta sa réigiún sin, cibé acu atá sé beartaithe i gcomhair margaíochta lasmuigh den tionscal, le

díol le sealúchais eile nó, i gcásanna áirithe, le húsáid ag an sealúchas céanna. Dá dhroim sin:

(a) ba cheart aon táirge talmhaíochta a fhágann sealúchas sa réigiún a thaifeadadh mar chuid d'aschur an réigiúin, gan beann ar a cheann scríbe nó ar an aonad a bhíonn á cheannach;

(b) ba cheart táirgí talmhaíochta áirithe a úsáideann an sealúchas céanna mar thomhaltas idirmheánach a áireamh in aschur an réigiúin (cf. 2.056).

7.25. Tógann próiseas táirgthe beostoic cúpla bliain go ginearálta. Nuair a dhéantar beostoc a luacháil, ní mór idirdhealú a dhéanamh idir ainmhithe a aicmítear mar shócmhainní seasta (ainmhithe pórúcháin agus ainmhithe tarraingthe, ba bainne, etc.) agus iad sin a aicmítear mar stoc (ainmhithe atá beartaithe go príomha i gcomhair feola). Dá réir sin, d'fhonn comhaireamh dúbailte a sheachaint, láimhseáiltear idirbhearta a bhaineann le hainmhithe idir sealúchais (a nglactar leo mar dhíolacháin 'dhearfacha' maidir leis na sealúchais a dhíolann an beostoc agus mar dhíolacháin 'dhiúltacha' le haghaidh na sealúchas a bhíonn ag ceannach), mar a leagtar amach thíos.

(a) Déanann idirbhearta idir sealúchais sa réigiún céanna ina bhfuil ainmhithe a aicmítear mar shócmhainní seasta a chéile a chealú, seachas costas a bhaineann le haistriú úinéireachta⁽²⁾. Ní chuirtear isteach iad mar dhíolacháin na sealúchas agus dá bhrí sin ní áirítear iad in aschur an réigiúin lena mbaineann.

(b) Láimhseáiltear ainmhithe a aicmítear mar stoc agus atá faoi réir idirbhirt idir réigiúin mar dhíolacháin dhearfacha (mar aon le honnmhairí) don réigiún tionscnaimh agus láimhseáiltear ainmhithe ó réigiúin eile mar dhíolacháin dhiúltacha (mar aon le hallmhairí)⁽³⁾.

(c) Nuair a bhaineann na costais maidir le haistriú úinéireachta (iompar, corrlaigh thrádála, etc.) le trádáil ainmhithe a aicmítear mar stoc, déantar iad a asbhaint ón aschur. Tarlaíonn sé sin go huathoibríoch nuair a bhíonn ceannacháin ó shealúchais i réigiúin eile i gceist, toisc go mbíonn na costais mar chuid de dhíolacháin 'dhiúltacha', cé nach mór coigeartú a dhéanamh i ndíolacháin, agus in aschur dá réir sin, i gcás trádála in ainmhithe idir sealúchais sa réigiún céanna.

b) An t-aschur a luacháil

7.26. Ba cheart an t-aschur a luacháil ag bunphraghsanna (cf. 2.082), i.e. lena n-áirítear fóirdheontais ar tháirgí, lúide cánacha ar tháirgí. Fágann an modh ríofa sin go gcaithfear cánacha agus fóirdheontais ar tháirgí a mhiondealú de réir réigiúin.

2. *Tomhaltas idirmheánach*

a) Sainmhíniú

7.27. Is éard atá i dtomhaltas idirmheánach na hearraí (seachas sócmhainní seasta) agus seirbhísí margaidh arna dtomhailt i rith an phróisis táirgthe chun earraí eile a tháirgeadh (cf. 2.097. go 2.109.).

7.28. Le linn do CERT a bheith á dtiomsú, áirítear leis an tomhaltas idirmheánach:

²

A fhad go dtarlaíonn na díolacháin agus na ceannacháin chomhfhreagracha sa tréimhse chuntasafóchta chéanna.

³

Ní dhéanfar ceannach ainmhí a thaifeadadh riamh mar thomhaltas idirmheánach (go bunúsach, is éadáil oibre idir lámha atá i gceist leis, cf. 2.067.) agus ní féidir an ríomh a dhéantar ar aschur ainmhí a ríomh ach go hindíreach amháin, ar bhonn na ndíolachán, an ollfhoirmithe caipitil sheasta agus athruithe ar stoc.

- (a) táirgí talmhaíochta a ceannaíodh lena dtomhailt le linn an phróisis táirgthe ó shealúchais eile (cibé acu sa réigiún céanna nó i réigiún eile);
- (b) táirgí áirithe a úsáidtear mar thomhaltas laistigh d'aonad agus a chuirtear isteach mar aschur (cf. 2.054. go 2.058. agus 7.24.).
- 7.29. Sa chás áirithe a bhaineann le seirbhísí idirghabhála airgeadais arna dtomhas go hindíreach caitear leo sna cuntais réigiúnacha ar an mbealach céanna agus a chaitear leo sna cuntais náisiúnta. Má tá an meastachán ar stoic iasachtaí agus éarlaisí ar fáil de réir réigiúin, is féidir an modh ón mbun aníos a leanúint. Mar sin féin, ní bhíonn meastacháin ar stoic iasachtaí agus éarlaisí ar fáil de réir réigiúin de ghnáth. I gcás ina mbíonn sé sin amhlaidh, déantar an leithdháileadh ar sheirbhísí idirghabhála airgeadais arna dtomhas go hindíreach leis an dara modh is fearr: úsáidtear oll-aschur réigiúnach nó ollbhreisluch de réir tionscail mar tháscairí dáileacháin (ESA 2010, 13.40).
- b) Tomhaltas idirmheánach a luacháil
- 7.30. Ba cheart gach táirge agus seirbhís a úsáidtear le haghaidh tomhaltas idirmheánach a luacháil ag praghas a n-éadála (gan CBL in-asbhainte san áireamh) (cf. 2.110. go 2.114.).
- 3. Ollfhoirmiú caipitil**
- 7.31. Déantar ollfhoirmiú caipitil i gcomhair talmhaíochta a fhoroinnt iontu seo a leanas:
- (a) ollfhoirmiú caipitil sheasta;
- (b) athruithe ar fhardail.
- a) Ollfhoirmiú caipitil sheasta (OFCS)
- 7.32. Bíonn foirmiú caipitil sheasta sa talmhaíocht aon uair a fhaigheann sealbhóir sócmhainní seasta nó aon uair a tháirgeann sé sócmhainní seasta atá beartaithe lena n-úsáid ar feadh tréimhse breis agus 1 bhliain amháin mar mhodh táirgeachta sa phróiseas táirgthe talmhaíochta. Tagraíonn na critéir leithdháilte chun OFCS a thairfeadh do thionscail úsáideoirí agus ní don tionscal lena mbaineann an t-úinéir dlíthiúil.
- 7.33. Leithdháiltear sócmhainní seasta faoi úinéireacht aonaid ilréigiúnaigh ar APGanna áitiúla ina n-úsáidtear iad. Déantar na sócmhainní seasta a úsáidtear faoi léas oibriúcháin a thairfeadh i réigiún úinéir na sócmhainní, agus déantar na sócmhainní seasta a úsáidtear faoi léas airgeadais a thairfeadh i réigiún an úsáideora (CCE 2010, 13.33).
- 7.34. Déantar sócmhainní nua atá á n-áireamh i gcaipiteal seasta a iontráil comhlán, i.e. gan ídiú an chaipitil sheasta sin a asbhaint. Ina theannta sin, ríomhtar ídiú an chaipitil sheasta go ginearálta ar na sócmhainní sin. Faightear glanfoirmiú caipitil trí ídiú sócmhainní seasta a asbhaint ó ollfhoirmiú caipitil.
- 7.35. Is féidir le haonaid táirgthe sócmhainní a dhíol le chéile, e.g. innealra athlámhe. Nuair a bhogtar sócmhainní idir tionscail agus réigiúin, ba cheart an praghas iomlán a áireamh in OFCS i dtionscal nó i réigiún amháin agus ba cheart an praghas a fhaightear a asbhaint ó OFCS sa tionscal nó sa réigiún eile. Déanann an faighteoir na costais a bhaineann le haistriú úinéireachta na sócmhainní, amhail táillí dlí ar dhíolacháin talaimh agus foirgneamh reatha, a chomhaireamh mar OFCS breise, fiú amháin má íocann an díoltóir roinnt de na costais.

- 7.36. Comhfhreagraíonn OFCS maidir le stoc pórúcháin agus ainmhithe tarraingthe don difríocht idir ceannacháin lasmuigh den réigiún (lena n-áirítear allmhairí) agus díolacháin chuig réigiúin eile (lena n-áirítear onnmhairí), agus costais a bhaineann le haistriú úinéireachta na ndíolachán laistigh den réigiún. Nuair a dhéantar na réigiúin go léir a chomhiomlánú, tá sé tábhachtach a chinntiú go gcealaíonn sreafaí idir-réigiúnacha a chéile (gan na costais a bhaineann le haistriú úinéireachta san áireamh) ionas go mbeidh suim OFCSanna réigiúnacha go léir mar an gcéanna le OFCS na gcuntas náisiúnta talmhaíochta. Nuair a bhíonn an caipiteal seasta comhdhéanta de bheostoc, amhail ainmhithe tarraingthe nó stoc pórúcháin, nó ainmhithe déiríochta, ní mór iad a luacháil – nuair a úsáidtear an modh ón mbun aníos – ar aon líne leis an gcoinbhinsiún seo a leanas: is OFCS diúltach iad díolacháin ainmhithe le sealúchais i réigiúin eile cé gur OFCS dearfach iad na ceannacháin ó réigiúin eile.
- b) Athruithe ar fhardail
- 7.37. Cuimsíonn na fardail na sócmhainní go léir nach bhfuil mar chuid den chaipiteal seasta agus atá á sealbhú go sealadach, ag tráth ar leith, ag aonaid táirgthe. Déantar idirdhealú idir dhá chineál fardail: fardail ionchuir agus fardail aschuir (cf. 2.171.).
- 7.38. I gcás ainmhithe a aicmítear mar fhardail, áirítear leis an trádáil a chuirfeadh san áireamh nuair a bheidh athruithe ar fhardail á ríomh díolacháin le réigiúin eile agus ceannacháin ó réigiúin eile chomh maith le hallmhairí agus onnmhairí.

C. IDIRBHEARTA DÁILEACHÁIN AGUS SREAFÁÍ EILE

- 7.39. Mínítear leis na deacrachtaí praiticiúla a bhaineann le faisnéis iontaoifa réigiúnach a fháil maidir le hidirbhearta dáileacháin i gcásanna áirithe, go háirithe nuair a dhéanann aonaid gníomhaíochtaí i níos mó ná réigiún amháin, nó nuair nach limistéar atá sainithe go soiléir é an réigiún ina ndéantar gníomhaíochtaí áirithe i gcónaí, an chúis nach gcumhdaítear in CCE ach cuntais réigiúnacha thionscal na talmhaíochta amháin i dtaca le roinnt comhiomlán: breisluach, fóirdheontais, cánacha, cúiteamh d'fhostaithe, cíosanna agus ioncam eile, ús agus OFCS.

1. Rialacha ginearálta

- 7.40. Déantar na hidirbhearta dáileacháin a thairgeadh ar bhonn fabhrúithe, i.e. ag an tráth a dhéantar luach eacnamaíoch, méid dlite nó éileamh a chruthú, a aistriú nó a chealú nó nuair nach ann dó níos mó, agus ní nuair a dhéantar an íocaíocht go hiarbhrí. Cuirtear an prionsabal taifeadta sin (bunaithe ar chearta agus ar oibleagáidí) i bhfeidhm maidir le gach sreabhadh, gan beann ar cibé an sreafaí airgid iad, nó ar tharla siad idir aonaid nó laistigh d'aonad aonair.
- 7.41. Mar sin féin, nuair nach féidir an dáta ar a fhaightear an t-éileamh (fiachas) a chinneadh go beacht, féadfar an dáta íocaíochta nó comhfhogasú inghlactha eile den bhunús fabhrúithe a úsáid (cf. 3.007.).

2. Breisluach

- a) Rialacha ginearálta
- 7.42. Cruthaítear breisluach de bharr gníomhaíocht táirgthe geilleagair nó ceann dá chuid tionscal i rith tréimhse ar leith, agus is í an ítim chomhardaithe den chuntas táirgthe í. Is ionann é agus an difríocht idir luach an aschuir agus luach an tomhaltais idirmheánaigh. Is

príomh-ítim é chun táirgiúlacht geilleagair nó tionscail a thomhas (cf. 3.013.) nó táirgiúlacht réigiúin nó tionscail laistigh de réigiún.

b) Breisluach a luacháil

- 7.43. Féadfar breisluach a iontráil ar bhonn comhlán (oll-bhreisluch ag bunphraghsanna) nó glan (breisluach glan ag bunphraghsanna), i.e. sula ndéantar tomhaltas an chaipitil sheasta a asbhaint nó ina dhiaidh sin. Ag teacht leis an modh chun aschur (bunphraghas) agus tomhaltas idirmheánach a luacháil (praghsanna na gceannaitheoirí), déantar an breisluach a thomhas ag na bunphraghsanna (cf. 3.013.).
- 7.44. Ciallaíonn an úsáid a bhaintear as bunphraghsanna nach mór na cánacha ar tháirgí agus ar fhóirdheontais ar tháirgí a shannadh d'earraí agus do sheirbhísí sonracha, agus ansin caithfear iad a leithdháileadh i measc na réigiún.
- 7.45. Ach cánacha eile ar tháirgeadh a asbhaint ón mbreisluach ag na bunphraghsanna, agus fóirdheontais eile a chur ar an táirgeadh, faightear an breisluach ag costas fachtóra. Is éard é an breisluach glan ag costas fachtóra ioncam na bhfachtóirí táirgthe (cf. 3.014.).

3. Ídiú an chaipitil sheasta

- 7.46. In CERT, i gcás earraí agus seirbhísí a chomhdhéanann caipiteal seasta an tsealúchais (amhail plandálacha a mbíonn táirgí athuair mar thoradh orthu, innealra agus foirgnimh, feabhsuithe móra ar thalamh, bogearraí, na costais a ghabhann le haistriú úinéireachta ar shócmhainní neamhtháirgthe, etc.) baineann caitheamh agus cuimilt agus seandacht dóibh mar mhodhanna táirgthe sa phróiseas táirgthe. Déantar caitheamh agus cuimilt agus seandacht den sórt sin a thomhas mar ídiú an chaipitil sheasta. Cosúil le CET, níor cheart ídiú an chaipitil sheasta a ríomh le haghaidh ainmhithe táirgthe.

4. Fóirdheontais

- 7.47. Cuirtear na rialacha céanna i bhfeidhm in CERT agus a chuirtear in CET: déantar sreafaí a aicmítear mar fhóirdheontais oibriúcháin in CET a aicmiú ar an mbealach céanna in CERT, agus láimhseáiltear sreafaí i bhfoirm aistrithe caipitil ar an gcaoi chéanna.

5. Cánacha

- 7.48. Cuirtear na rialacha céanna i bhfeidhm in CERT agus a chuirtear in CET: déantar an cineál difriúil cánacha a aicmiú ar an mbealach céanna in CERT agus a dhéantar iad a aicmiú in CET.

6. Cúiteamh d'fhostaithe

- 7.49. Maidir le táirgeoirí, déantar cúiteamh d'fhostaithe a leithdháileadh ar APGanna áitiúla ina bhfuil na daoine fostaithe. I gcás nach bhfuil na sonraí sin ar fáil, déantar cúiteamh d'fhostaithe a leithdháileadh mar an dara modh is fearr bunaithe ar na huairanta a oibríodh. Mura bhfuil cúiteamh d'fhostaithe ná uaireanta an chloig a oibríodh ar fáil, úsáidtear an líon fostaithe de réir APG áitiúil (cf. CCE 2010, 13.42).

7. Glanbharrachas oibriúcháin

- 7.50. Faightear glanbharrachas oibriúcháin ón mbreisluach glan ag na bunphraghsanna tríd an gcúiteamh d'fhostaithe agus cánacha eile ar tháirgeadh a asbhaint agus fóirdheontais eile ar tháirgeadh a chur leis.

8. *Ús, cíosanna*

- 7.51. Cuirtear na rialacha céanna i bhfeidhm in CERT agus a chuirtear in CET: déantar sreafaí a aicmítear mar ús, cíosanna in CET a aicmiú ar an mbealach céanna in CERT.

9. *Ioncam fiontraíoch ó thalmhaíocht: rialacha ginearálta maidir le ríomh*

- 7.52. Déantar ioncam ó mhaoín atá iníoctha go díreach a eascraíonn as gníomhaíochtaí talmhaíochta agus gníomhaíochtaí tánaisteacha neamhthalmhaíochta, i.e. ús a íoctar ar iasachtaí a thógtar amach maidir leis na gníomhaíochtaí sin, lena n-áirítear chun talamh talmhaíochta a cheannach, agus cíosanna a íoctar le húinéirí talún, a asbhaint ó bharrachas oibriúcháin (cf. 3.070. go 3.087.).

D. SRACFHÉACHAINT AR CHUR CHUN FEIDHME

1. *Réamhrá*

- 7.53. Tá sé mar aidhm ag an roinn seo roinnt gnéithe den mhodheolaíocht, go háirithe an rogha sealúchais talmhaíochta agus an tomhas a dhéantar ar aschur, a chur i dtábhacht.
- 7.54. Is é an sealúchas talmhaíochta an t-aonad tagartha a úsáidtear le haghaidh suirbhéanna staidrimh maidir leis an talmhaíocht, ar an leibhéal náisiúnta agus fonáisiúnta. Cruthaíonn sé sin buntáiste mór do CERT toisc go gciallaíonn sé gur féidir an luacháil a dhéantar ar chainníochtaí aschuir a bhunú go díreach ar chórais staidrimh chun limistéir talún, torthaí, méideanna tréada, etc., a thomhas. Ach an sealúchas a roghnú freisin tá sé de bhuntáiste aige cur ar chumas na gcuntas a bheith níos comhsheasmhaí. Baineann aschur agus costais, go deimhin, le tacair aonad chomhionanna, fiú má bhíonn éagsúlacht idir na modhanna eachtarshuímh ó fhoínse amháin go chéile. Ar deireadh, ach an sealúchas a roghnú, mar aon leis na coincheapa maidir le gníomhaíochtaí agus aonaid shaintréitheacha, seachnaítear an gá coigeartuithe a dhéanamh a d'fhéadfadh a bheith conspóideach, a d'fhéadfadh a bheith amhlaidh i gcás gairdíní cistine agus tógáil beostoic phríobháidigh nach leis an sealbhóir é. Fágann an gnás sin go mbíonn sé níos éasca comparáidí a dhéanamh idir tíortha. Go deimhin, beidh an nasc le sonraí staidrimh i gcainníochtaí fisiceacha, atá ríthábhachtach don talmhaíocht agus a ráthaíonn go mbeidh na toisí ar iontrálacha cuntasaíochta comhsheasmhach toisc go bhfuil coigeartuithe nó ceartúcháin 'seach-staidrimh' srianta dá bhrí sin, rudaí ar ndóigh a shimplíonn agus a chuireann feabhas ar na ríomhanna. Tá na gnéithe sin comhsheasmhach freisin leis an aidhm maidir le tosaíocht a thabhairt don chur chuige ó bhun aníos in CERT.

2. *An talmhaíocht réigiúnach a shainiú*

- 7.55. Maidir le gach réigiún, is éard atá i dtionscal na talmhaíochta na sealúchais ar fad a bhfuil a gcuid fachtóirí táirgthe lonnaithe sa réigiún. D'fhéadfadh an prionsabal sin, atá comhsheasmhach leis an gcoincheap maidir le háit chónaithe na n-aonad táirgthe, roinnt fadhbanna a chruthú: sainíonn an staidreamh talmhaíochta suíomh na sealúchas de ghnáth de réir a gceanncheathrú agus ní díreach de réir shuíomh na bhfachtóirí táirgthe. Ní hionann an dá shuíomh sin i gcónaí agus tá seans ann go dtarlóidh an feiniméan sin níos minice de réir mar a éiríonn sealúchais níos mó. Nuair a thionsaítear CERT, dá bhrí sin, ba cheart roinnt sealúchas a athaicmiú idir réigiúin agus fiú, i roinnt cásanna, iad a roinnt. Seans go mbeidh sé sin sách deacair a dhéanamh i gcleachtas, agus má bhíonn b'fhéidir go

mb'fhearr an suíomh céanna a choimeád le haghaidh na sealúchas agus atá sna suirbhéanna staidrimh. Tá an moladh sin, áfach, ag brath ar dhá choinníoll: ar an gcéad dul síos, ní mór don mhodh lena ndéantar an suíomh a shainiú a bheith comhionann le haghaidh na réigiún go léir sa tír agus ansin ní mór na hiontrálacha cuntasáochta go léir a luacháil ó fhoinsí a úsáideann na rialacha céanna chun suíomh na sealúchas a shainiú.

3. *Aschur talmhaíochta a thomhas*

- 7.56. Áirítear le haschur talmhaíochta táirgí barr áirithe a úsáideann an sealúchas céanna arís i bhfoirm tomhaltais idirmheánaigh; baineann sé sin go príomha le táirgí le haghaidh beatha ainmhithe. I gcás na mbarr curaíochta go háirithe, féadfar aschur réigiúnach a chinneadh go minic ar bhonn na gcainníochtaí a bhaintear i ngach réigiún, a dtugtar luach dóibh ansin trí phraghsanna. Sa chás sin, déantar an t-aschur go léir a luacháil, cibé acu atá sé beartaithe i gcomhair margaíochta lasmuigh den tionscal, le díol le sealúchais eile nó le húsáid ag an sealúchas céanna. Faightear aschur gach réigiúin go díreach dá réir sin, ag teacht leis an gcoincheap arna ghlacadh in CET agus CERT. D'fhéadfaí na praghsanna faoina ndéantar luacháil ar aschur trína gcruthaítear tomhaltas idir aonaid a bhunú ar shonraí réigiúnacha freisin, ag comhfhreagairt do na praghsanna ag a ndéantar aschur a mhargú. Mar sin féin, de dheasa easpa sonraí maidir le praghsanna réigiúnacha cruthaítear fadhb ghinearálta fad a bhaineann sé le haschur a luacháil, idir aschur (réigiúnach) a mhargaítear agus aschur atá mar chuid den tomhaltas idir aonaid. Dá réir sin ardaíonn an luacháil CERT ar tháirgí atá mar chuid den tomhaltas idir aonaid na deacrachtaí céanna leis an luacháil a dhéantar ar tháirgí a mhargaítear. Ar ndóigh, is ceist dhifriúil ar fad é nuair nach féidir na cainníochtaí a luacháil ar an leibhéal réigiúnach. Sa chás sin, is é an modh ó bharr anuas bunaithe ar luachálacha ar an leibhéal náisiúnta an t-aon cheann is féidir a úsáid⁴.
- 7.57. A mhéid a bhaineann le hainmhithe, cibé acu a n-aicmítear iad mar fhardail nó mar chaipiteal seasta, ba cheart na pointí seo a leanas a chur san áireamh:
- luachálacha ar an leibhéal réigiúnach maidir le hathruithe ar fhardail agus in OFCS a bhaineann le hainmhithe, agus gur comhpháirteanna den mhodh indéreach maidir le haschur a ríomh iad an dá shreabhadh sin go hiarbhrí;
 - luachálacha trádála ainmhithe idir réigiúin, ar comhpháirt í an trádáil sin den mhodh indéreach maidir le haschur a ríomh;
 - an miondealú idir réigiúin sreafaí allmhairiúcháin agus onnmhairiúcháin ainmhithe;
 - an láimhseáil iomchuí ar chostais a bhaineann le haistriú úinéireachta;
 - an modh maidir le CERT a choigeartú in aghaidh CET.
- 7.58. I gcásanna áirithe, is féidir leis an modh indéreach maidir le haschur ainmhithe a ríomh a bheith ródheacair ar leibhéal réigiúnach. I gcásanna den sórt sin, is fearr an t-aschur a ríomh ar bhonn samhla ina n-úsáidtear sonraí fisiceacha agus ansin na luachanna a choigeartú leo sin in CET.

⁴

De réir an mhodha a úsáidtear, ba cheart an tomhaltas idir aonaid a choigeartú chuig na luachanna CET.

4. *Gníomhaíochtaí tánaisteacha neamhthalmhaíochta doscartha*

- 7.59. Tá bealaí éagsúla ann chun gníomhaíochtaí tánaisteacha neamhthalmhaíochta doscartha a ionchorprú in CERT, ag brath ar an gcineál gníomhaíochta. Go deimhin, tá roinnt de na gníomhaíochtaí tánaisteacha sin comhchruinnithe go mór ar an leibhéal réigiúnach – próiseáil táirgí talmhaíochta, mar shampla. Sa chás sin, is féidir le luachálacha aschuir cainníochtaí agus praghsanna araon a bheith ag brath ar shonraí staidrimh áitiúla. I gcás an aschuir sin, tá na luachanna in CET mar an gcéanna *de facto* leo sin in CERT. D’fhéadfadh cásanna eile, áfach, a bheith níos deacra. Mar shampla, d’fhéadfadh sé nach bhfuil aon fhoinse réigiúnach ann le haghaidh roinnt gníomhaíochtaí, go háirithe mura bhfuil siad comhchruinnithe i réigiún ar leith ón tús. I gcás gníomhaíochtaí eile, soláthraítear sonraí réigiúnacha trí shuirbhéanna staidrimh nó trí fhaisnéis na gcuntas micreacnamaíoch (an Líonra Sonraí um Chuntasaíocht Feirme, mar shampla) ach níl aon ráthaíocht ann go bhfuil siad sin ionadaíoch ar bhonn réigiúnach. Ina theannta sin, d’fhéadfadh na sonraí a bheith sean gan aon fhoinsí ar fáil lena dtabhairt chun dáta ar bhealach iontaofa. Ar deireadh, ní tharlaíonn sé ach ó am go chéile go mbíonn táscairí cáilíochtúla ar fáil ar an leibhéal réigiúnach. I ngach ceann de na cásanna sin, is iad luachanna CET an túsphointe do CERT agus ní mór na modhanna ó bharr anuas a úsáid go minic.

5. *Tomhaltas idirmheánach*

- 7.60. Áirítear le tomhaltas idirmheánach in CERT táirgí talmhaíochta a úsáideann sealúchais, cibé acu iad sin a thrádáiltear go díreach idir sealbhóirí sa réigiún céanna nó i réigiúin dhifriúla nó a athraíonn úinéireacht trí idirghabhálaithe a d’fhéadfadh a bheith nó gan a bheith ina n-úinéirí ar na táirgí sula ndéantar iad a athdhíol, etc. Thairis sin, déantar roinnt táirgí talmhaíochta de thomhaltas idir aonaid a iontráil freisin mar thomhaltas idirmheánach, go bunúsach barra áirithe a úsáidtear mar bheatha ainmhithe. Ní dhéanfar aon cheannacháin ainmhithe – fiú iad sin a allmhairítear – a iontráil mar thomhaltas idirmheánach.
- 7.61. Is é an chéad mhodh maidir le tomhaltas idirmheánach táirgí talmhaíochta a ríomh ar an leibhéal réigiúnach an difríocht idir aschur CERT agus an chuid sin den aschur atá beartaithe an tionscal a fhágáil a ríomh, ar bhonn táirge ar tháirge⁽⁵⁾. Mar sin féin, ní léiriú iomlán cruinn é ar thomhaltas idirmheánach táirgí talmhaíochta i ngach réigiún, toisc cé go n-áirítear táirgí talmhaíochta atá beartaithe le haghaidh tomhaltas idirmheánach ag sealúchais i réigiúin eile, ní áirítear táirgí talmhaíochta a thagann ó shealúchais i réigiúin eile. Ní mór an tomhaltas idirmheánach a choigeartú, dá bhrí sin, ar aon dul leis na luachanna in CET.
- 7.62. Tá modh ríofa eile indéanta freisin, ag úsáid an Líonra Sonraí um Chuntasaíocht Feirme mar fhoinse faisnéise. Leis an bhfoinse sin bítear in ann luacháil a dhéanamh ar thomhaltas idirmheánach táirgí talmhaíochta, is cuma cé acu a dtagann siad ó dhíolacháin a dhéanann sealúchais eile nó ó fhoinsí amhail allmhairí. Mar sin féin, ní chumhdaítear sa Líonra Sonraí um Chuntasaíocht Feirme ar an mbealach céanna na táirgí a úsáideann an sealúchas céanna mar thomhaltas idirmheánach, agus dá bhrí sin tá gá le ceartúcháin. Ar an gcaoi chéanna, dá bhrí sin, ní mór tomhaltas idirmheánach a choigeartú ag teacht leis na luachanna in CET.’

⁵

Níl táirgí talmhaíochta allmhairithe áirithe anseo (cé is moite d’ainmhithe).

IARSCRÍBHINN II

Cuirtear an méid seo a leanas in ionad Iarscríbhinn II:

‘IARSCRÍBHINN II

CLÁR UM THARCHUIR SONRAÍ

Maidir le gach ceann de na hítimí aschuir (ítimí 1 go 18, lena n-áirítear fo-ítimí), caitear an luach ag na bunphraghsanna chomh maith lena chomhpháirteanna (an luach ag praghsanna na dtáirgeoirí, fóirdheontais ar tháirgí agus cánacha ar tháirgí) a tharchur.

Ní mór na sonraí maidir leis an gcuntas táirgeachta agus maidir leis an ollfhoirmiú caipitil sheasta (OFCS) a tharchur ag na praghsanna reatha agus ag praghsanna na bliana roimhe sin araon.

Ba cheart na luachanna uile a lua i milliúin aonad den airgeadra náisiúnta. Ba cheart ionchur saothair a lua in 1 000 aonad oibre bliantúil (AWUnna).

Ní mór na sonraí maidir le cuntais réigiúnacha na talmhaíochta a tharchur ag praghsanna reatha amháin.

1. Cuntas táirgeachta

		Tarchur a bhaineann leis an mbliain tagartha n			
		a	b	c	d
Mír	Liosta athróg	Mí na Samhna bliain n (Meastachá in CET)	Mí an Mhárta bliain n+1 (Meastachá in CET)	Mí Mheán Fómhair bliain n+1 (sonraí CET deiridh)	Mí an Mheithimh bliain n+2 (CERT)
01	GRÁNAIGH (lena n-áirítear síolta)	X	X	X	X
01.1	Cruithneacht agus speilt	X	X	X	X
01.1/1	Cruithneacht agus speilt bhog	—	—	X	X
01.1/2	Cruithneacht chrua	—	—	X	X
01.2	Seagal agus maislín	X	X	X	X
01.3	Eorna	X	X	X	X
01.4	Coirce agus meascáin de ghránaigh shamhraidh	X	X	X	X
01.5	Grán buí	X	X	X	X
01.6	Rís	X	X	X	X
01.7	Gránaigh eile	X	X	X	X
02	BARRA TIONSCLAÍOCHA	X	X	X	X
02.1	Síolta ola agus torthaí olúla (lena n-áirítear síolta)	X	X	X	X
02.1/1	Síolta ráibe agus ráibe tornapa	—	—	X	X
02.1/2	Lus na gréine	—	—	X	X
02.1/3	Soighe	—	—	X	X
02.1/4	Táirgí olúla eile	—	—	X	X

		Tarchur a bhaineann leis an mbliain tagartha n			
		a	b	c	d
Mír	Liosta athróg	Mí na Samhna bliain n (Meastachá in CET)	Mí an Mhárta bliain n+1 (Meastachá in CET)	Mí Mheán Fómhair bliain n+1 (sonraí CET deiridh)	Mí an Mheithim h bliain n+2 (CERT)
02.2	Barra próitéine (lena n-áirítear síolta)	X	X	X	X
02.3	Tobac amh	X	X	X	X
02.4	Siúcra biatais	X	X	X	X
02.5	Barra tionsclaíochta eile	X	X	X	X
02.5/1	Plandaí snáithíneacha	—	—	X	—
02.5/2	Leannlusanna	—	—	X	—
02.5/3	Barra tionsclaíochta eile: eile	—	—	X	—
03	PLANDAÍ FORÁISTE	X	X	X	X
03.1	Grán buí farae	—	—	X	X
03.2	Meacain farae (lena n-áirítear biatas foráiste)	—	—	X	X
03.3	Plandaí foráiste eile	—	—	X	X
04	TÁIRGÍ GLASRAÍ AGUS GAIRNEOIREACHTA	X	X	X	X
04.1	Glasraí úra	X	X	X	X
04.1/1	Cóilis	—	—	X	—
04.1/2	Trátaí	—	—	X	—
04.1/3	Glasraí úra eile	—	—	X	—
04.2	Plandaí agus bláthanna	X	X	X	X
04.2/1	Plandaí plandlainne	—	—	X	—
04.2/2	Plandaí agus bláthanna ornáideacha (lena n-áirítear crainn Nollag)	—	—	X	—
04.2/3	Plandálacha	—	—	X	—

05	PRÁTAÍ (lena n-áirítear síolta)	X	X	X	X
06	TORTHAÍ	X	X	X	X
06.1	Torthaí úra	X	X	X	X
06.1/1	Úlla milseoige	—	—	X	—
06.1/2	Piorraí milseoige	—	—	X	—
06.1/3	Péitseoga	—	—	X	—
06.1/4	Torthaí úra eile	—	—	X	—
06.2	Torthaí citris	X	X	X	X
06.2/1	Oráistí milse	—	—	X	—
06.2/2	Mandairíní	—	—	X	—
06.2/3	Líomóidí	—	—	X	—
06.2/4	Torthaí citris eile	—	—	X	—
06.3	Torthaí trópaiceacha	X	X	X	X
06.4	Fíonchaora	X	X	X	X
06.4/1	Fíonchaora milseoige	—	—	X	—
06.4/2	Fíonchaora eile	—	—	X	—

06.5	Ológa	X	X	X	X
06.5/1	Ológa boird	—	—	X	—
06.5/2	Ológa eile	—	—	X	—
07	FÍON	X	X	X	X
07.1	Fíon boird	—	—	X	—
07.2	Fíon ar ardchaighdeán	—	—	X	—
08	OLA OLÓIGE	X	X	X	X
09	TÁIRGÍ BARR EILE	X	X	X	X
09.1	Ábhair glasraí a úsáidtear den chuid is mó i gcomhair trilseánú	—	—	X	—
09.2	Síolta	—	—	X	—
09.3	Táirgí barr eile: eile	—	—	X	—
10	ASCHUR BARR (01 GO 09)	X	X	X	X
11	AINMHITHE	X	X	X	X
11.1	Eallach	X	X	X	X
11.2	Muca	X	X	X	X
11.3	Eachaithe	X	X	X	X
11.4	Caoirigh agus gabhair	X	X	X	X
11.5	Éanlaith	X	X	X	X
11.6	Ainmhithe eile	X	X	X	X
12	TÁIRGÍ AINMHITHE	X	X	X	X
12.1	Bainne	X	X	X	X
12.2	Uibheacha	X	X	X	X
12.3	Táirgí ainmhithe eile	X	X	X	X
12.3/1	Amh-olann	—	—	X	—
12.3/2	Cocúin seiriceáin	—	—	X	—
12.3/3	Táirgí ainmhithe eile: eile	—	—	X	—
13	ASCHUR AINMHITHE (11+12)	X	X	X	X
14	ASCHUR EARRAÍ TALMHAÍOCHTA (10+13)	X	X	X	X
15	ASCHUR SEIRBHÍSÍ TALMHAÍOCHTA	X	X	X	X
15.1	SEIRBHÍSÍ TALMHAÍOCHTA	—	—	X	—
15.2	CUÓTA BAINNE AR CÍOS	—	—	X	—
16	ASCHUR TALMHAÍOCHTA (14+15)	X	X	X	X
17	GNÍOMHAÍOCHTAÍ TÁNAISTEACHA NEAMHTHALMHAÍOCHTA (DOSCARHTHA)	X	X	X	X
17.1	PRÓISEÁIL TÁIRGÍ TALMHAÍOCHTA	X	X	X	X
17.2	GNÍOMHAÍOCHTAÍ TÁNAISTEACHA EILE DOSCARHTHA (EARRAÍ AGUS SEIRBHÍSÍ)	X	X	X	X
18	ASCHUR THIONSCAL NA TALMHAÍOCHTA (16+17)	X	X	X	X
19	TOMHALTAS IDIRMHEÁNACH	X	X	X	X

	IOMLÁN				
19.01	FARDAL SIOLTA AGUS PLANDÁLA	X	X	X	X
19.02	FUINNEAMH; BEALAÍ	X	X	X	X
19.02/1	- leictreachas	—	—	X	—
19.02/2	- gás	—	—	X	—
19.02/3	- breoslaí agus tiomántáin eile	—	—	X	—
19.02/4	- eile	—	—	X	—
19.03	LEASAITHIGH AGUS FEABHSAITHEOIRÍ ITHREACH	X	X	X	X
19.04	TÁIRGÍ COSANTA PLANDAÍ AGUS LOTNAIDICÍDÍ	X	X	X	X
19.05	COSTAIS TRÉIDLIACHTA	X	X	X	X
19.06	BEATHA AINMHITHE	X	X	X	X
19.06/1	- beatha arna sholáthar ag sealúchais talmhaíochta eile	X	X	X	X
19.06/2	- beatha a cheannaítear ó lasmuigh de thionscal na talmhaíochta	X	X	X	X
19.06/3	- beatha arna tháirgeadh agus arna ídiú ag an sealúchas céanna	X	X	X	X
19.07	COTHABHÁIL ÁBHAR	X	X	X	X
19.08	COTHABHÁIL FOIRGNEAMH	X	X	X	X
19.09	SEIRBHÍSÍ TALMHAÍOCHTA	X	X	X	X
19.10	SEIRBHÍSÍ IDIRGHABHÁLA AIRGEADAIS ARNA DTOMHAS GO HINDÍREACH (FISIM)	X	X	X	X
19.11	EARRAÍ AGUS SEIRBHÍSÍ EILE	X	X	X	X
20	OLL-BHREISLUACH AG BUNPHRAGHSANNA (18-19)	X	X	X	X
21	TOMHALTAS CAIPITIL SHEASTA	X	X	X	X
21.1	TREALAMH	—	—	X	—
21.2	FOIRGNIMH	—	—	X	—
21.3	PLANDÁLACHA	—	—	X	—
21.4	EILE	—	—	X	—
22	BREISLUACH GLAN AG BUNPHRAGHSANNA (20-21)	X	X	X	X

2. Giniúint an chuntais ioncaim

		Tarchur a bhaineann leis an mbliain tagartha n			
		a	b	c	d
Mír	Liosta athróg	Mí na Samhna bliain n (Meastachá in CET)	Mí an Mhárta bliain n+1 (Meastachá in CET)	Mí Mheán Fómhair bliain n+1 (sonraí CET deiridh)	Mí an Mheithim h bliain n+2 (CERT)
23	CÚITEAMH D'FHOSTAITHE	X	X	X	X
24	CÁNACHA EILE AR THÁIRGEADH	X	X	X	X
25	FÓIRDHEONTAIS EILE AR THÁIRGEADH	X	X	X	X
26	IONCAM FACHRÓRA (22-24+25)	X	X	X	X
27	BARRACHAS OIBRIÚCHÁIN / IONCAM MEASCTHA (22-23-24+25)	X	X	X	X

3. Cuntas ioncaim fiontraíochta

		Tarchur a bhaineann leis an mbliain tagartha n			
		a	b	c	d
Mír	Liosta athróg	Mí na Samhna bliain n (Meastachá in CET)	Mí an Mhárta bliain n+1 (Meastachá in CET)	Mí Mheán Fómhair bliain n+1 (sonraí CET deiridh)	Mí an Mheithim h bliain n+2 (CERT)
28	CÍOSANNA AGUS MUIRIR CHÍOSA EILE EASTÁIT RÉADAIGH ATÁ LE HÍOC	X	X	X	X
29	ÚS INÍOCTHA	X	X	X	X
30	ÚS INFHAIGHTE	X	X	X	X
31	IONCAM FIONTRAÍOCH (27-28-29+30)	X	X	X	X

4. Gnéithe den chuntas caipitil

		Tarchur a bhaineann leis an mbliain tagartha n			
		a	b	c	d
Mír	Liosta athróg	Mí na Samhna bliain n (Meastachá in CET)	Mí an Mhárta bliain n+1 (Meastachá in CET)	Mí Mheán Fómhair bliain n+1 (sonraí CET deiridh)	Mí an Mheithim h bliain n+2 (CERT)
32	OLLFHOIRMIÚ CAIPITIL SHEASTA I DTÁIRGÍ TALMHAÍOCHTA	—	—	X	X
32.1	OLLFHOIRMIÚ CAIPITIL SHEASTA I BPLANDÁLACHA	—	—	X	—
32.2	OLLFHOIRMIÚ CAIPITIL SHEASTA IN AINMHITHE	—	—	X	—
33	OLLFHOIRMIÚ CAIPITIL SHEASTA I DTÁIRGÍ NEAMHTHALMHAÍOCHTA	—	—	X	X
33.1	OLLFHOIRMIÚ CAIPITIL SHEASTA IN ÁBHAIR	—	—	X	—
33.2	OLLFHOIRMIÚ CAIPITIL SHEASTA I BHFOIRGNIMH	—	—	X	—
33.3	OLLFHOIRMIÚ CAIPITIL SHEASTA EILE	—	—	X	—
34	OLLFHOIRMIÚ CAIPITIL SHEASTA (GAN CBL IN-ASBHAINTE SAN ÁIREAMH) (32+33)	—	—	X	X
35	GLANFHOIRMIÚ CAIPITIL SHEASTA (GAN CBL IN-ASBHAINTE SAN ÁIREAMH) (34-21)	—	—	X	X
36	ATHRUITHE AR FHARDAIL	—	—	X	X
37	AISTRITHE CAIPITIL	—	—	X	X
37.1	DEONTAIS INFHEISTÍOCHTA	—	—	X	—
37.2	AISTRITHE CAIPITIL EILE	—	—	X	—

5. Ionchur saothair talmhaíochta

		Tarchur a bhaineann leis an mbliain tagartha n		
		a	b	C

Mír	Liosta athróg	Mí na Samhna bliain n (Meastachá in CET)	Mí an Mhárta bliain n+1 (Meastachá in CET)	Mí Mheán Fómhair bliain n+1 (sonraí CET deiridh)
38	IONCHUR SAOTHAIR TALMHAÍOCHTA IOMLÁN	X	X	X
38.1	IONCHUR SAOTHAIR TALMHAÍOCHTA NEAMH-THUARASTAIL	X	X	X
38.2	IONCHUR SAOTHAIR TALMHAÍOCHTA TUARASTAIL	X	X	X